

## **Societas Iesv Amatrix, Cultrix, Imitatrix, Christi Crvcifixi**

**Sandaeus, Maximilianus**

**Antverpiae, 1647**

29. Solemnem quot hebdomadis Concionem de Passione Domini feria v I.  
habet; & flagellationem piam, ad ejus memoriam inducit, Gaspar Barzæus,  
Zelandus.

---

---

**Nutzungsbedingungen**

[urn:nbn:de:hbz:466:1-55449](#)

54      SOCIETAS IESV  
hoc, inquit, oculos illuminat corporis,  
sic ego credo DOMINVM IESVM, quippe  
Lucem Mundi in candelabro CRVCIS,  
illuminare omnem hominem venien-  
tem in hunc mundum: quia ipse Lumen  
verum & æternum est. Quæ magno sen-  
su cùm protulisset, continuans iude san-  
cta cum Dilecto suo colloquia, Ecclesiæ  
mysterijs omnibus præmunitus; ad Spon-  
sum cælestem, cum face evolavit è cor-  
pore, pridie Nonas Aprilis, Anno Chri-  
stiano M.D. LIL.

*Nicolaus Orlandinus in historia Societ. lib. 12.  
num. 66. tom. 1.*

## IX.

### AMATOR CRVCIFIXI

*Solemnem quot hebdomadis concionem  
de Passione Domini, Feria VI. habet  
& flagellationem piam ad ejus me-  
moriariæ inducit.*

29.  
GASPAR  
BARZAEVS  
Zelandus.

3  
S  
E

**G**ASPARI FRANCISCI Belga BAR-  
ZÆVS, in Zelandiâ insulâ, oppido  
Goozâ natus, fuit Apostolicæ industrie,  
& sanctitatis homo, à Deo datus ad sa-  
lutem multorum apud Indos, ad quos  
per occultos Providentiæ Divinæ an-  
fractus venit. Is, quo erat ardore, Iapo-  
nios, Sinas, Æthiopes, Abassinos, Scy-  
thas, gentes omnes animo vastissimo  
com-

AMATRIX CRVCIFIXI. 55  
complectebatur, ut ad CHRISTI fidem,  
& CRVCIFIXI amorem traduceret.

Præter innumera autem, quæ brevissimo tempore præsttit, cùm esset Armuiziæ doctrinam Christianam quotidie explicabat, ægris aderat, confessiones excipiebat, catechumenos instruebat, baptizabat, custodias visebat, cujuscumque sectæ res, statis cuique diebus procurabat. Dominicis diebus, festisque concionabatur ad populum mane, vesperi ad servitia, tertio ad ægros. Sub noctem, nolæ pulsu mortales provocabat ad preces pro ijs fundendas, qui lethali criminè, vel vita functi Purgatorij igne tenebantur.

Inducebat crebrum Sacramentorum usum: Solemnam Feriâ quaque Sextâ, cum frequenti flagellatione, concionem de CHRISTI Domini CRYCIATIBVS: publicas ad hæc supplicationes. Confitentium porrò numerus tantus erat, ut cùm dies ac noctes eis Gaspar adeficeret, vix interdum horæ spatium ad necessariam corporis quietem, quæ alioqui vel in otio summo, trium ferè horarum spatio finiebatur, eriperet. Quod cùm observassent ceteri Sacerdotes invidiæ facibus inflammati questi sunt apud Gasparem unum illum ipsum cunctorum confessiones excipere, contemnisse, nec in ullam partem vocari laboris.

Quibus ille respondebat, testes eos, qui accederent, esse posse, quam nullo artificio, blanditijsque homines ad se alliceret: ultrò autem venientes repellere æquum sibi non videri. Cùm verò illi consilium eâ de re iniissent, multis dictis sententijs, statuerunt denique, perspicuo Dei nutu, voluntateque id accidere, qui Gasparem Belgam ijs ornasset, instruxissetque bonis ut eum omnes meritò sequerentur. Itaque invidiâ in benevolentiam versâ, sua deinceps studia ad eum amandum, & complectendum cum cetera multitudine conjunxerunt.

*Nicolaus Orlandinus histor. Societatis lib. 6. n. 88. lib. 9. à num. 142.*

*Nicolaus Trigautius in Vita.*

*Imago primi seculi Societatis lib. 3. cap. 2. p. 336.  
Amphitheatrum Honoris Clari Bonarsi.*

## X.

AMATOR CRVCIFIXI  
Ut se probet non indignum Societate  
IESV, noctu cubat humi nudus  
ad Crucem.

30.  
ANONY-  
MVS TIT.○  
Armuzia-  
nus.

B ARZAO rem Evangelicam strenuè agente apud Armuzianos iisque CHRISTVM CRVCIFIXVM prædicante, pluribus Societatis injecta mens est: è quibus ille paucos elegit, quos scilicet ad portandam CRUCEM cum CHRISTO,